

# PRIMERA CARTA DEL APÓSTOL SAN PABLO A LOS TESALONICENSES

*Pablo y sus compañeros escriben a la iglesia de Tesalónica*

<sup>1</sup> Yü Pablo yü mena macana mena Silvano, Timoteo mena ati püuro majaare yü queti joo Tesalónica macanare Dio mani Pacü yaräre, mani Üpaü Jesucristo yaräre. Caroaro majaare jää ñuu roti, yeri wariñuuriquere majaare Dio cü joato ïrã.

*El ejemplo de fe que daban los de Tesalónica*

<sup>2-4</sup> Mani Üpaü Jesucristore cäre apieuja nacabugorä caroaro maja átinucu. Caame mairä aniri aperäre caroaro na maja átinemonucu. Mani Üpaü Jesucristore maja tügoota janaquëe. Dio cü camairä, cü cabejericarä maja ä. To bairo maja nipetirä maja cabairijere tügootari, “Ñuu majuucöa,” jää ï wariñuunucu Diore. To bairi to cänacä ni mani Pacü Diore cü jeni nacabugorä jää jenibojanucu majaare.

<sup>5</sup> Jää yarä, Jesucristo ye quetire majaare buiorä, cawatoana jää majuuna jää cabuiorije jeto meere jää caïwü. Dio Catirique Espíritu Santo tügoota tutuariquere järe cü cajooro caroaro jää camajiwü majaare. To bairo Jesu ye quetire jää caï buioro apirä caroaro maja caapiujawü. “Carapena buioma,” maja caï api nacabugowü. Maja majirä. Maja tüpü ãnaa caroaro jää cátinucuwü, caroaro na apiujaato ïrã.

**6** To bairi Jesu ye quetire jā cabuioro caroaro māja caapiñjawā aperā mājaare na camatagarije to cānibato quena. Dio Espíritu Santo wariñuuriqe mājaare cā cajooro tie quetire māja caapiñjawā seeto popiye tamāobana quena. To bairi jāre bairona cátajecūna māja cāmu. To bairi mani Ḫpaā Jesu quena cūre bairona cátajecūna māja cāmu.

**7** To bairona māja cátō tājurā Macedonia yepa macana, Acaya yepa macana quena Jesucristore caapiñjarā, “Nare bairo manire cátipe ā,” caī tāgooñañupa mājaare.

**8-10** To bairi mani Ḫpaā Jesu ye quetire na māja cabuio neto jooyupa aperāre Macedonia yepa macanare, Acaya yepa macanare. Nipetiropā Diore māja caapiñjarijere caapirā ocōo bairo īma mājaare: “Pablo jāare caroaro na cāni rotiyupa Tesalónica macana na tāpā na caejaro. Diore apiñjari na majuuna na cawericarāre Dio cāníquēnarena na cāti nācābāgobatajere cajanañupa. To bairi Diore cajocaquēcā macare, cacatiire áti nācābāgoma yucāra,” īma mājaare.

Dio Macā cā cabai yajiro bero cacati tunucoajupi. Catí tunu, ḥmārecoopā tunu aá, cabero ati yepapā rui atígāmi tunu. Jō bui cānacā ati yepapā tunu atíri cāre caapiñjaquēnare na popiyeyegāmi. To bairi mani maca cāre caapiñjarā mani cāno manire cā capopiyeyeboriquere manire cane-toobojaā āmi Jesu.

“Dio Macā jō bui cawamā aátachā cā catunu atípere yuuma,” īma mājaare. Jā maca to bairo māja caapiñjarijere nare jā cabuioquētie to cānibato quena mere to bairona māja caapiñjarijere majima aperori macana mājaare.

**2***El trabajo de Pablo en Tesalónica*

<sup>1</sup> Jā yarā, ī jocarique ūrā aána mee mūja tūpūre jā caejawu. Cariape caroa quetire jā cabuio teñaro mūjaa capāarā Jesure mūja caapiūjawu.

<sup>2</sup> Mūja tūpūre jā caejaparo jugoye Filipos na cāri macapu jā cāmu. Topu jā cāno to macana ūuuquēto jā ī eperi rooro jā cámá. Ti wamere mere mūja majirā. Mūja ya maca macana quena aperā to bairona jā cabuiorijere camatagabama. To bairo na cátibato quenare Dio maca caroaro yeri ocabūtiriquere jā cajoowī. To bairi uwiricaro mano jā cabuiowu Dio ye quetire.

<sup>3</sup> Dio ye quetire camajare buiorā cañtoya maniere jā ī buionucu. Rooro átigaquetiri ëtorique manona camajare jā buio teñanucu.

<sup>4</sup> Dio maca cū ye quetire jāre cabuio rotiwī. To bairi jāre cū cabuio rotirore bairona jā ī buionucu cū ye quetire. Jā yerire tūgooñā majimi Dio, to bairi caroaro jāre cū ī tūjūato ūrā jā buionucu. Dio maca cū tūju tūjoato ūrā cū caboorore bairona jā ī buionucu. Camaja maca na caapi tūjūri wame unore jā buioquēe.

<sup>5</sup> Mūja tūpu ãnaa mūja yere tūju ugoorā jīcani uno caroaro wadapeni tūjūri apeye unie boorā jā cabaitoquēpu. Tiere mūja majirā. Dio quena tiere majiimi, cariape jā catūgooñarijere tūju majiri.

<sup>6</sup> Mūjaa, “Seeto cāni majuurā ãnama,” jāre mūja cañ nūcabugopere jā camacaquēpu. Aperā quenare to bairona jā camacaquēpu. Cristo ye quetire cū cabuio roti joorā anibana quena carotirāre bairo mūjaare jā cabuioquēpu.

**7** Caroaro mena jā caī nucabugonucuwā mūjaare. Jīcao cāromio co punaacāre caroaro mena co catujū ujarore bairo jā cabaiwū mūjaare.

**8** To bairi mūjaare tujū mairā, “Cristo ye quetire nare jā buiogarā,” jā caīwū. “To bairi camatarā jāre na cajīagarije to cānibato quena, nare jā buiogarā, seeto jā camairā na cāno maca,” jā caīwū.

**9** Mere mūja tugooña majirā, jā yarā. Mūja tūpu ãnaa tutuaro jā capaanucuwā jā majuuna. Umureco, ñami quenare tutuaro paabana popiye majuu jā catamūowū, mūja ye ugariquere ugare patowācoogaquēna. Dio ye quetire mūjaare buiobana quena jā majuuna jā ye riape ugarique, apeye unie quena jā capaa wapata popiye cátinucuwā.

**10** Mūja Cristore caapiñjarā mūja tūpu ãnaa Dio cū caboorore bairona jā cátinucuwā. Roro jā cátiquetinucuwā. Ni maja majuu, “Roro áama,” cārā camama. To bairo caroaro jā cabairijere mūja tujū majiricarā. Dio quena to bairona jā cabairiquere majiimi.

**11** Ati wame quena mūja majirā: Mūjaare tugooña ocabatiriquere ī builorā caroaro mūjaare jā cabuionucuwā. Capacū cū punaa caroaro nare cū cabuiorore bairona jā cátinucuwā mūjaare.

**12** Mūjaare jā caī buionucuwā, mani Upaū Dio cū caboorore bairona na ãamaro īrā, nare cū tujū warinuato īrā. Ape umurecoopā cū carotiri pau, camaja nipetirā cū na cátí nucabugori pau, cū tūpu cāniparāre mūja cacūñupi Dio. To bairi cū tūpu cāniparā aniri cū cabore bairo ája. Ati yepapure ãnaa, cū punaa aniri cū caírore bairo caroaro ája. Mūjaare cū catujū warinuuparore bairo īrā caroaro

ája.

<sup>13</sup> To bairi Diore, “Ñuubuja,” jā ñinucu, cʉ ye queti jā cabuiorijere mʉja caapiʉjaro tujuri. “Camaja na catʉgoōñarije queti me ã,” mʉja caīwʉ. “Dio ye queti majuu ã ati wame,” ïri mʉja caapiʉjawʉ. Dio ye quetire mʉja caapiʉja nʉcʉbʉgoro caroaro áami mʉja yeripʉre yua.

<sup>14</sup> Atie quetire mʉja caapiʉjaro jĩcaarã mʉja yarã mʉjaare rooro cájupa, tie queti apiʉjagaquēna. To bairona cájupa judío maja quena na yarã Jesucristo ye quetire na caapiʉjaro. Na ya yepa macana judío maja, na yarã na caapiʉjaro tujurã na tutiri rooro na cájupa na quenare.

<sup>15</sup> Mani ɻpaʉ Jesure cajílaricarãna áma judío maja. Cajugoyepʉ Dio Wadariquere cabuiobatana ãnana quenare cajílañuparã na ñicʉapʉre. Yʉ, yʉ mena macana menare rooro jā cabuuwã. To bairo cãnare tujʉ waríñuuquēemi Dio. Camaja nipetirãre Jesure caapiʉjaboparãre camatarã áma judío maja.

<sup>16</sup> Judío maja cãníquēna quenare Jesucristo ye quetire jā cabuiogaro, “Janacõaña,” jā ñinucubama. Na quena Jesucristo ye quetire api nʉcʉbʉgorema ïrã jā mataganucubapa. To bairo mata pairi seeto majuu caroorije áama naa. To bairi Dio seeto popiye tamʉoriquere na joogʉmi, seeto majuu to bairo caroorije na cátie wapa.

### *Pablo desea visitar otra vez a los de Tesalónica*

<sup>17</sup> Jā yarã, topʉ cãnana jā cabutiro beroacã mʉjaare seeto jā cawiro cʉtinucuwʉ, mʉjaare macabana. To bairi aperopʉ anibana quena seeto jā catʉgoōñanucuwʉ mʉjaare.

**18** Muja tupure pugani co seeto ja cááágabatona Sataná maca ja camatawí yua.

**19-20** Mujaare tugooñará ja wariñuunucu, caroaro Jesucristore muja api nucubugo ñrá. Jesucristo cu catunu ejaropu cu mena ãnapu, “Caroaro áama Tesalónica macana,” cáre ja ñígará. “Mu ye quetire na ja cabuioro caroaro caapi nucubugowá,” ja ñí wariñuugará Cristore.

### 3

**1-2** To bairi muja ye quetire apigará ja canuca majiquépu. To bairi Timoteore muja tupu ja cáá roti joowu, Jesure muja caapi nucubugorijere, tugooña ocabuti tutuanemoriquere mujaare cu buioato ñrá. Ja mena Jesucristo ye quetire cabuio teñanemou ãmi, Dio yere capaabojau aniri. To bairi cu joori yu maca yu catuacoawu Silvano mena Atena na cañi macapure.

**3** Aperá maca Jesure muja caapiñjaro tujúrá mujaare popiyeyeyupará. To bairo mujaare na capopiyeyerije queti apirá Timoteore ja ca-joowu muja tupu. Aperá nare na capopiyeyebato quena to bairona Jesure na apiñja janaqueticóato ñrá cáre ja cajoowu. Aperá Jesucristore mani caapiñjaro booquéna popiye tamuoriquere mani átinucugaráma. Mere tie rue muja majirá.

**4** Cajugoyepuna muja mena ãnapuna muja catamuopere mujaare ja cañ buionucuwu. Mere tie ja cañ buioeparore bairona bai.

**5** To bairi muja caapi nucubugorijere seeto majigará ja caqueti joo jeniñawu, Sataná, “Jesure apiñja janacoña,” na ñí wadajáremi ñrá. To bairo mujaare

cu caĩ wadajãrijere muja caapiata jocarãna Jesu ye quetire mujaare jã buioboricarã.

<sup>6</sup> Yucuacã Timoteo muja tupu catuju ejaricu jã tupu tunu ejami mere. Caroa quetire jã buiom*i* muja cãniere. “Jesucristore caroaro apuja nucubugoma,” jã ñimi. “Caroaro ame maima Tesalónica macana. Caroaro mani tugooñama. Na quena nare mani catujugarije cõona caroaro mani tujugama,” jã ñimi Timoteo.

<sup>7</sup> To bairi caroaro muja caapiuja nucubugorijere jã cu cabuioro apirã jã yeri tugooñña ocabutí catugooñarique paibatana.

<sup>8</sup> To bairi mani Upau Jesucristore muja caapiuja nucubugocõamata yeri waríñurã jã anigarã.

<sup>9</sup> Seeto jã waríñuu muja cabairijere queti apiri. To bairi muja cabairijere tugooñari Diore jã ñ waríñuu peo majiquẽna.

<sup>10</sup> Ñami, umureco quena nairoacã Diore jã ñ jeninucu, mujaare tujunemorã aágabana. To bairi, “Na tupu jã cááapere jã átibojaya,” cu jã ñ jeninucu Diore. “Cristore muja caapiuja nucubugorijere jã buio yaparogacupu,” cu jã ñ jeninucu Diore.

<sup>11</sup> Ocõo bairo mani Pacu Diore, mani Upau Jesucristo quenare jã ñ jeninucu: “Tosalónica macana tupure jã cááá majipere jã átibojaya.

<sup>12</sup> Na majuuna na caame mainemoparore bairo na ája. Aperã camaja quenare nipetirãre na camaiparore bairo na ája, nare jã camairore bairona.

<sup>13</sup> Nare yeri ocabutiriquire na jooya, mu carotiqueti wamere na cátiquetiparore bairo ñi. Mu catujoorije jetore na áparo. To bairi mani Upau Jesu cu yarã mena cu catunu ejaro, ‘Caroarã ãma. Na

yeripʉre caroorije maa,’ na mʉ ī tʉjʉgʉ,” mʉjaare jā ī jeniboja mani Pacʉ Diore.

## 4

### *La vida que agrada a Dios*

<sup>1</sup> Yucʉacā ape wamere mʉjaare jā buio tʉjagarā, mani ɻpaʉ Jesucristo cʉ cabuio rotirijere. Dio cʉ catʉjoorije jetore átajecʉja, mʉja tʉpʉ ānapʉ jā caĩ buioeparore bairo. Yucʉacāre Dio cʉ caboorijere mʉja átinucu. Seetobʉja áticðaña.

<sup>2</sup> Mani ɻpaʉ Jesu cʉ carotiro mena mʉjaare jā cáti rotiepere mʉja tʉgooña majirā.

<sup>3</sup> Dio cʉ catʉjoorije jetore, caroaro mani cáto boomi, cʉ yarā mani cāno maca. Áti epericarā cutaje, caroorije átajere booquēemi Dio.

<sup>4</sup> To cānacāʉna ani nʉcʉbʉgorique mena cʉ nʉmo majuu mena jetore mani cānipere boomi Dio. Aperā mena caroorije átajere booquēemi Dio.

<sup>5</sup> Aperā Diore camajiquēna seeto áti epe paima. Nare bairo aniqueticðaña mʉjaa,

<sup>6</sup> Dio maca caroorije tʉjʉ majiri tie wapa seeto mani popiyeyeboʉmi īrā. To bairi apeī nʉmo mena caroorije átiqueticðaña. Apeī nʉmo mena mʉja cāpata co manapʉre áti rooye tuurā mʉja átiborā. To bairi roro cáti eperā aniqueticðaña. Dio maca to bairo cánare tʉjʉ majiri seeto na popiyeyegʉmi. Mere cajʉgoyepʉna cariapena tiere mʉjaare jā caĩ buiowʉ.

<sup>7</sup> Caroare mani cáti anipe jetore mani cacūñupi Dio. Caroorijere mani cáti epe anipe macare mani cacūquējupi.

**8** To bairi atie jā cabuiorijere apigateerā Diore apigateerā m̄ja baiborā. Jā meere apigateerā m̄ja baiborā. Diopure c̄ apigateerā m̄ja baiborā. Dio c̄ Espíritu Santore cajooypyi m̄jaare, c̄ caboorijere m̄ja áti rotii. To bairi Dio c̄ ca-booquētie m̄ja cápata, “Dio, m̄re jā booquēe,” írā m̄ja átiborā.

**9** “Jesucristore caapiñjarā aniri ame maiña m̄jaa,” m̄jaare jā cañemope maa. Dio manire c̄ camai rotiriquere mere m̄ja majituga.

**10** Nipetirā m̄ja ya yepa Macedonia yepa cānare na m̄ja mai Jesucristore caapiñjarāre. Atiere m̄jaare jā í buio. Netobujaro ame mainemocōa aninucuña.

**11** Roro ame íquénana caroaro anicōaña. Aperā na cáti aniere wada pai batequeticōaña. M̄ja ye macaje macare t̄gooñari caroaro paariquec̄ja m̄jaare jā cáti rotieparore bairona.

**12** To bairo ána aperā yere cajenirā m̄ja aniquetigarā. To bairo caroaro m̄ja majuuna m̄ja capaariquec̄to t̄jūrā Jesure caapiñjaquēna quena m̄jaare t̄ju n̄ucubugogarāma yua.

### *La venida del Señor*

**13** Jesucristore caapiñjaricarā mere cabai yajiricarā na cabaipere m̄jaare yu í buiopa. Tiere majirā seeto m̄ja t̄gooñarique paitiquetigarā m̄ja yarā Jesure caapiñjarā na cabai yajiro. Na quena c̄ mena to cānacā r̄um̄ anicōa anigarāma. Jesure caapiñjaquēna maca, “C̄ mena jā anicōa aninucugarā,” í majiquēema. To bairi seeto t̄gooñarique paima na yarā na cabai yajiro.

**14** Jesucristo manire c̄ cabai yajibojaro bero tunu, c̄ cacati tunuriquere mani api n̄ucubugo

maji. To bairo quena ocõo bairi wamere mani api nucubugo maji: Cristo cã catunu atí paã cûre caapiñjaricarã mere cabai yajiricarã tunu catiogumi Dio, Cristore cã catunu catioricarore bairona.

**15** To bairi mani Upaã Jesu cã cabuiorica wamerena buiorã jã áa mujaare: Mani Upaã Jesu cã catunu atí paã cãno mani cacatirã aperã cûre caapiñjaricarã mere cabai yajiricarã Cristo tupa na jügoye mani aáquetigarã.

**16** Ocõo bairo maca baigaro: Mani Upaã majuu jõ bui cáacã rui atigumi pi awajarique mena. Cã tu macacã rotibojari majocã quena pi awajagumi. Dio putiricaro cã caputirije báugaro. To bairo cabairi pauna Jesure caapiñjaricarã ãnana cawama rupaãri mena tunu catí, wamã nucagarãma.

**17** Na cawamã nucarona mani cacatirã Jesure caapiñjarã na mena mani wamã aágara. Wamã aá, jõ bui oco ajeripã na mena mani Upaã Jesure mani boca tujugarã. To bairo bairã mani Upaã mena mani anicõa aninucugarã to cãnacã rãmu yua.

**18** To bairi ati wamere ame buiorã ame tãgoonaocabutioya mujaaa yua.

## 5

**1** Di rãmu cãno, noo capaã majuu mani Upaã Jesu tunu atigumi majiña maa. To bairi jã buioquêe.

**2** Jee rutiri majocã ñamipure canaitiaro mani catugooñaquêtopu jee rutigã ejaumi. Cã cáatípere mani camajiquêtore bairona Jesu quena atigumi mani catugooña majiqueti paãpu. “Camaja na

catgooña majiqueti papu atígum mani Upau,”  
muja ñ majitgga mere.

<sup>3</sup> Cárromio, “Noo cõo yu cãni riapa rumu anigaro,”  
ñ tgooña majiquécomo. Nemoo mere macu cttigo  
ni riabujaomo. Co cãni riarijere dope bairo áti  
janao majiquécomo. Co cabairi wamere bairona  
baigaro mani Upau Jesu cu cátípa rumu cãno.  
Na camaji jugoyeyequetopu nemoo na regumi Dio  
cáre caapiujaquennare. “Caroaro mani ã. Nee mani  
uwiqué,” na caibato quena nemoona na regumi  
Dio. Na cu careparo jugoye dope bairo bai rutu  
majiquetigarãma yua.

<sup>4</sup> Yu yarã, muja maca, “Ti rumuna ejagum,” ñ  
majiquetibana quena, “Jesucristo tunu atígum,”  
muja ñ maji. Cu catunu atípere camajiquennare  
bairo muja aniqué. To bairi Jesucristo cu catunu  
atí pau cãno muja acuquetigarã. Jee rutiri ma-  
jocu cu caejaro camaja na caacuarore bairo muja  
acuquetigarã cu catunu atí rumu cãnopu.

<sup>5</sup> Jesucristore camajirã muja ã muja quena. Cáre  
camajiquéna mee mani ã.

<sup>6</sup> To bairi aperã Jesucristo cu catunu atípere  
catgooñaquennare bairo cabaiquetiparã mani ã.  
Caroaro catgooña maja catí yuuparã mani ã.

<sup>7</sup> Canaitfaropu caninucuma camaja. Caeti cu-  
murã ñamipure eti mecuma.

<sup>8</sup> To bairi umurecopu, muipu cu cabujuro  
caroaro catgooña maja catiráre bairo cãnipe  
ã, Jesucristo cu catunu atípere tgooña yuurã.  
Polisia come cori pejama na rupoaripure,  
come ajeri jañama, nare caquégarã beju na to  
capuaquetiparore bairo ñrã. Na cacugorijere

bairo mani maca mani yeripʉ mani cʉgogarã Jesucristore api nʉcʉbʉgori ame mairi, Jesucristo cʉ catunu atópʉ cʉ mena mani cãnicõa aninucupere tʉgooñari. To bairo mani cãmata Sataná mani rooye tuu majiquetigʉmi.

<sup>9</sup> Dio caroorãre punijiniri na cʉ capopiyeyeparã meere manire cacũñupi Dio. Mani ye wapa manire cʉ capopiyeyebopere mani ɻpaʉ Jesucristo manire cʉ cabai yajibojaro cʉ canetoobojaparã macare manire cacũñupi Dio.

<sup>10</sup> To bairi Cristo cʉ catunu atí paʉpʉre mani cacatiata cʉ mena mani anigarã. Cʉ catunu atíparo jʉgoye mani cabai yajiata quena mani catí tunugarã. Catí tunu, cʉ tʉpʉ cʉ mena mani anigarã.

<sup>11</sup> To bairi mere mʉja caame ñore bairona ati wame ame buio majorã ame tʉgooñiaocabutioya mʉjaa, netobʉjaro mʉja caapiñjaparore bairo ñrã.

### *Pablo aconseja a los hermanos*

<sup>12</sup> Yʉ yarã, mʉja mena macana Dio ye quetire cabuiorãre Dio cʉ cacûricarãre na tujʉ nʉcʉbʉgoya. Dio yere mʉjaare camajiorã ãma. Dio cʉ cacûricarã ãma. Caroaro átinemoma mʉjaare, Jesu ye quetire buiorã. Mani ɻpaʉ Jesu cʉ carotiro mena dope bairo mʉja cãnipere buiorã seeto paama.

<sup>13</sup> To bairo caroaro mʉja na cátibojarijere tʉgooñari na maiña. Na nʉcʉbʉgoya. Mʉja majuuna caroaro anicõaña. Caroaro ame ája, ame wada canamurique manona.

<sup>14</sup> Jã yarã, ati wame quenare seeto mʉjaare jã buiogacʉpʉ: Cateeye pairãre, “Netoo nʉcaqueticõaña,” na ñña. Catʉgooñarieque pai

yericūnare t<sup>u</sup>gooña tutuarique na ñ buioya. Aperā popiye c<sup>u</sup>tajere can<sup>u</sup>ca majiquēnare na átinemoña. To bairo cabairāre nipetirā patowācaricaro mano caroaro mena na buioya.

<sup>15</sup> Jíca<sup>u</sup> rooro m<sup>u</sup>jaare c<sup>u</sup> cápata caroorije c<sup>u</sup> áti amequeticōaña. Caroa macare c<sup>u</sup> ája. Aperā nipe-tirāre caroa jeto na ája.

<sup>16</sup> Yeri wariñuucōa aninucuña.

<sup>17</sup> Diore jenicōa aninucuña. C<sup>u</sup>re jeni janaquēja.

<sup>18</sup> Nipetirije m<sup>u</sup>ja cabairije to cānacā wame Diore wariñuuriquere c<sup>u</sup> ñna. To bairona m<sup>u</sup>ja caipere boomi Dio Jesucristo yarā m<sup>u</sup>ja cāno maca.

<sup>19</sup> Dio Espíritu Santo m<sup>u</sup>ja yerip<sup>u</sup> caroaro m<sup>u</sup>jaare c<sup>u</sup> cátigarijere mataquēja. Caroaro c<sup>u</sup> apiu(jaya).

<sup>20</sup> Dio ye quetire cabuiorā na cabuiorijere bai botioquēja.

<sup>21</sup> Na cabuiorijere caroaro api cōoña peocōaña, ¿cariape na ñti? ñrā. Api cōoña peori cariape na cañata to bairona na cañri wame ája.

<sup>22</sup> Cañuuquētie macare nipetiri wame bai netooña.

<sup>23</sup> Dio maca caroaro ani yeri ñuuriquere cajo<sup>u</sup> ãmi. To bairi ugueri coje rericarore bairona m<sup>u</sup>ja yerire caroorije nipetirijere caroaro c<sup>u</sup> reato, c<sup>u</sup> yarā jeto m<sup>u</sup>ja cāniparore bairo ñi. M<sup>u</sup>ja yerire, m<sup>u</sup>ja t<sup>u</sup>gooñariquere, m<sup>u</sup>ja rupa<sup>u</sup>ri quenare to cānacā rum<sup>u</sup> caroaro c<sup>u</sup> coteato, mani Upa<sup>u</sup> Jesucristo c<sup>u</sup> catunu ejaparo j<sup>u</sup>yoye caroorije átiquēnana m<sup>u</sup>ja cāniparore bairo ñi.

<sup>24</sup> C<sup>u</sup> yarā cāniparā m<sup>u</sup>jaare cacūric<sup>u</sup> aniri to bairona caroaro m<sup>u</sup>ja átibojag<sup>u</sup>mi Dio. C<sup>u</sup> cañri wame cōo cariape átibojá m<sup>u</sup>juucōag<sup>u</sup>mi Dio.

*Saludos y bendición final*

<sup>25</sup> Jã yarã, Diore jãre jenibojacõa aninucuña.

<sup>26</sup> Cristore caapi nacabugorã nipetirã caroaro na  
ñuato.

<sup>27</sup> Ati pûuro majaare yu caqueti joorije Cristore  
caapi nacabugorã nipetirãre na bue iñooña majaas.  
Mani Upaus Jesu to bairo cu carotiro mena majaare  
yu ñ.

<sup>28</sup> Mani Upaus Jesucristo caroa ani wariñuu ne-  
torique majaare cu joato.

To cõona ã.

## **Dio Wadarique New Testament in Tatuyo**

copyright © 2009 Wycliffe Bible Translators, Inc.

Language: (Tatuyo)

Translation by: Wycliffe Bible Translators, Inc.

### **Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Tatuyo

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 18 Apr 2025 from source files  
dated 29 Jan 2022  
567a3a55-fb71-5739-897d-feb9b547d57b